

agit, verum etiam repugnat eum non agere; prout repugnat ipsum agere et operari eum sola gratia sufficienti, quae desituta est hac prædeterminatione tanquam conditione essentiali ac necessaria ad agendum et operandum.

Ideo vero hic gratiae motus prædeterminatione nuncupatur, quia antecedit consensum, non prioritate durationis sive temporis, inquit Gonet, sed duntaxat natura seu causalitatis et dependentie (1). Physica autem dicitur, non quod forma naturalis sit, prosequitur idem Auctor, seu per modum naturæ ad unum determinans (absit), sed quia ex propria essentia et ab intrinseco est efficax, independenter a quocumque creato consensu, quod est esse physicum theologicum, non philosophicum (2).

Quare juxta hoc sistema in omni opere salutari hic ordo seu processus concipitur: 1º datur gratia sufficiens, que confert posse velle et agere; 2º gratia efficax, quae voluntatem physice prædeterminat, prebetque velle et agere, cum sit motus applicans ad actum potentiam illam, quam contulerat gratia sufficiens; 3º consensus et gratia concomitans.

Sed illico adversæ partis Theologi insurgunt: Nonne per physicam hanc prædeterminationem funditus libertas evertitur? Nequaquam, reponunt Thomistæ, dummodo configiatur ad sensum, ut aiunt, compositum et divisum. In sensu composito, id est, præsente gratia, seu supposita collatione hujus gratiae, impossibile utique est hominem non agere, cum gratia efficax per physicam prædeterminationem includat ipsum actum; implicat autem idem simul esse et non esse. In sensu tamen diviso et absolute homo potest non agere, ut qui actu sedet, repugnat eum non sedere, potuit tamen non sedere (3).

In proprii systematis subsidium proferunt Thomistæ illa omnia Scripturarum oracula, in quibus gratia efficacia commendatur. Ex. gr. Ezech. XXXVI: *Dubobis cor carneum*, etc. Philipp. II: *Deus est, qui operatur in nobis et velle*, etc. aliaque ejusmodi superius commemorata.

Ex Pribus adducunt omnia illa testimonia, in quibus illi omne bonum nostrum Deo referunt accep-

(1) In *Clypeo Theologie Thomisticae*, edit. sexta Lugd. 1681, tom. I, disp. IX, qua est *De concordia libertatis cum decreto prædeterminante*, art. V, § 4, n. 66.

(2) Ibid. n. 67.
(3) Cfr. Gonet, I. c. art. IV, § II et seqq. Quidam recens auctor scribit: *Hæc distinctio (de sensu diviso et sensu composito) aliquando subtoller est; sed perspicua, n̄ fallor, reddetur, ubi fiat comparatio voluntatis determinata a Deo cum voluntate se ipsam determinante ad mentem adversariorum. Jam vero singamus, voluntatem se ipsam propriis viribus efficaciter determinare ad amorem; certe in sensu composito fieri non potest, quin amet; alias esset efficaciter determinata ad amorem, ut supponitur, et non esset, quia illa determinatio, quae non habet effectum, efficax dici non potest; libera nihilominus dicetur voluntas sic determinata, quia potest non amare in sensu diviso et absolute. Eodem plane modo cum efficaci gratia in sensu composito non potest esse actus contrarius; alias sequeretur, eandem gratiam non esse efficacem; potest, tamen esse in sensu diviso et absolute, quod ad libertatem sufficit.*

(4) Sess. VI, cap. 6.
(5) Ita Bellarminus, *De grat. et lib. arbit.* lib. I, cap. 12, n. 8 et 9. Ast immerito, ut inferius dicimus.

(6) Ita Jansenius, *De grat. Salvat.* lib. viii, cap. 1 et 2, alioquin passim post ipsum. Cfr. de hoc argu-

mentum. Communiquant præsertim suum systema auctoritate S. Augustini et S. Thome. Ex S. Augustino quidem ea loca proferunt, in quibus S. Doctor gratiae efficaciam extollit, quæcumque nos retulimus in objectione secunda superioris prop. Ex S. Thoma illud inter cetera adducunt, quod scripsit S. Doctor. p. I, q. 111, a. 2: *Solus Deus efficaciter potest movere voluntatem, Angelus autem et homo per modum suadentis.*

Hæc porro doctrina, inquit, falsa esset in hypothesi de motione tantum morali, et non physica et propria; cum et Angelus et homo possint nos non solum exterius, sed etiam interiushortando, rogando, terrendo et persuadendo moraliter movere (1). Quod demum omne dubium removet circa hujus systematis veritatem, aiunt, sunt ipse orationes, quibus Ecclesia Deum rogat, ut nostras ad se rebelles compellat voluntates (2).

His positis, concludunt in hoc systemate prima causæ, nempe Dei, influxum apprime patesceri ac supremum Creatoris dominium in suas creaturas, statui præterea et commendari humilitatem, quandoquidem homini nihil supersit, in quo gloriatur, iuxta Apostoli sententiam: *Quid habes, quod non acceperisti?* In hoc enim systemate et bona voluntas, et potentia, et actus, et consensus, et operatio a sola gratia repelli debent (3).

Adversæ tamen partis Theologi reponunt: 1º Nihil adjumenti ex ejusmodi systemate haberi ad optatam gratiae et libertatis conciliationem; imo simplicem catholicæ fidei doctrinam, qualis in Synodo Tridentina declarata est (4), longe majori claritate fulgere, dum ea in hoc systemate caligine potius involvitur. 2º Videri sibi hoc ipsum systema nimis accedere ad Novatorum placita (5) ac Jansenistarum, quo factum est, ut Novatores et Janseniste sepe sub hac veluti veste, licet per injuriam, se conixerint (6). 3º Sane, subdunt, si subtilior hujus prædeterminationis physicae disquisitio instituatur, planum fit, re ipsa hominem sub tali prædeterminatione absolute non posse non velle, aut aliter agere ac operari quam id, ad

(1) Alia cfr. apud Did. Alvarez, in op. *De auxiliis divinis gratiæ*, disp. xci, edit. Rom. p. 608 et seqq.

(2) In orat. secr. Dom. IV post Pentecost.

(3) Cfr. inter ceteros pro hac sententia pugnantes præter Gonetum loc. cit. Did. Alvarez, op. cit. disp. LXXXII et seq. præsertim xci; Th. de Lemos, *Panoplia gratiæ*, tom. I, tract. IV, *De sensu composito et diviso*; tom. III, pag. 4, tract. IV, *De concursu Dei prævia influente, prout nomine physicae prædeterminationis exprimitur*; tom. VI, tract. IV, *De auxilio divinae gratiae efficaci*. Hic enim uberrime de hoc argumento scripserunt. Cfr. etiam *Historiam de auxiliis* P. Serry, vol. in fol.

(4) Sess. VI, cap. 6.

(5) Ita Bellarminus, *De grat. et lib. arbit.* lib. I, cap. 12, n. 8 et 9. Ast immerito, ut inferius dicimus.

(6) Ita Jansenius, *De grat. Salvat.* lib. viii, cap. 1 et 2, alioquin passim post ipsum. Cfr. de hoc argu-

mento P. Livinus Meyer, præstationem in vol. I *Hist. contr. de auxiliis* art. IV, *De mutua Jansenistarum in predictos Thomistas benevolentia*; et art. V, *Jansenistarum erga Thomistas amicitia simulata*. Quos palam laudent, clam inter se rident atque contennunt. Ubi ad-

quod determinatur, cum ipsa includat actum ipsiusque efficiat, imo producat ac faciat voluntatis flexum; quemadmodum e contra ea destitutus impossible intrinsece et essentialiter est, ut homo velit, agat et operetur, ea ratione qua sine alio fieri nequit, ut quispiam in altum se attollat ac volet. Hinc actum prorsus esse inferunt de gratia, que vere sit sufficiens; si enim nomen permutes, in quoniam, essentia rei ac natura spectata, differt gratia sufficiens Thomistarum prædeterminatione physica destituta, ut postulat ejus conceptus, a gratia parva Jansenistarum? 4º Hinc patesciunt ea omnia incommoda, quae ex eo profluunt: neminem scilicet operari posse aliter, quam quomodo operatur; impossibilia esse Dei præcepta iis omnibus qui ea non servant; quandoquidem ideo non servent, quod physica prædeterminatione destituti sint; sicut enim hac instructos impossibile est, imo implicat homines præcepta non servare, ita implicat eadem servari ab eis, qui illa destituti sunt; quam insuper nec optare, nec velle, nec impetrare possunt, cum hi omnes actus conferantur ab ipsa prædeterminatione physica. Hæc aliaque ejusmodi non pauca incommoda enumerant, que quisque per se mente revolvere potest (1).

Pergunt deinde ad eliminanda, quæ ad hoc systema sive cohonestandum sive adstruendum afferuntur. Etenim, aiunt, nihil prorsus confert ad illius defensionem subtilis distinctio inter sensum compositum et sensum divisum. Quid enim sibi vult illud in sensu composito, nisi præsente gratia non posse hominem agere nisi id, ad quod prædeterminatur? Verum cum adstruitur libertas, adstruitur præcise sub gratiae motione; quid refert, si in sensu diviso, nempe absente gratia, possit aliter agere (2)? Cum tamen Cone. Tridentinum, cap. V, doceat hominem posse gratiam resipere: *Quippe qui, inquit, illam et abdicere potest,*

Perperam porro Scripturarum ad Patrum auctoritates adducuntur ad idem adstruendum systema, quod ab utrisque plane nimium differt. Scriptura enim et Patres infallibilem quidem gratiae efficaciam adstruunt; ast neque hanc efficacie infallibilitatem a physica prædeterminatione repetunt; imo eam prorsus eliminant in iis omnibus locis, in quibus peccatores argunt, quod gratia Dei eos convertere admittenti restiterint; ut omnia evincunt, quae ad libertatem hominis sub gratia ac liberam voluntatis cooperatio-

ductis documentis luculenter quod sibi proposuit ostendit. Qui præterea, ibidem art. II et VII, producunt pariter documentis ostendit Paschasius Quesnellum manum admovisse ad *Historiam de auxiliis* P. Serry emendandam et corrigitam, eodemque Serry probante, non pauca eaque falsa ex suo ad- cesse.

(1) Cfr. ejusdem Liv. Meyer dissert. *De mente S. Augustini circa gratiam physice prædeterminantem*, qua est n. m. ibid. Cfr. item Tricassini, op. cit. *De indifferenti, etc.* tota p. II et p. III; Deschamps, lib. III, Pet. II, *De S. Augustini auctoritate*, cap. I et seqq.

(2) Cfr. Suarez loc. cit. nec non *Commentarium historicum de prædestinat. ad gloriam Caroli du Plessis d'Argentré, socii Sorbonici et Doctoris. De prædeterminat. physica*, cap. 2; *Vera sententia S. Thome de motione Dei ad operationem naturæ creare requisita*; et cap. 5, *animadversiones in librum Antonii Massoulié, de divina motione et libertate creatura*.

(3) Cfr. Fortunat, a Brixia, *Philosophia mentis*, tom. II, *Metaphys.* p. III, sect. III, n. 60 et seqq. Hinc etiam Gonetum loc. cit. progradientur ex principiis philosophicis de natura libertatis humanae, ut evincat libertatem hinc consistere cum decreto determinante. Sic etiam Thomas de Lemos, alioquin passim. Ex philosophia applicatum fuit hoc principium etiam efficaciam gratiae in Theologia. Ex his liquet totam questionem hanc philosophicam potius quam theologicam esse, seu potius fuisse. Hæc enim vix a recentiori philosophia eliminata non sunt.

(4) Cfr. *Hist. Congr. de auxiliis*, P. Liv. Meyer, tom. I, lib. II, cap. I.

(5) Lessius op. cit. cap. 5, n. 7 et seqq. et cap. 8, n. 16, seqq.

nem adstruendam adversus haereticos adduci solent.

S. Augustinus nominat semper confudit ad Dei præscentiam, ad hoc ut gratia efficaciam eum ejus infallibilitate componat. Perperam igitur a nonnullis apologia doctrinæ S. Augustini prius intexit, prout præstiterat Jansenius, pro certo sumentibus totum pro se Augustinum esse (1).

S. Thomas tantum ahest, ut huic systemati faveat ut potius rejiciat veluti humanæ libertati adversans. Sic enim loquitur S. Doctor in p. 2, dist. 28, q. 1, a. 1: *Non esset homo liberi arbitrii, nisi ad eum determinatio sui operis pertinere*; et ibid. dist. 25, q. 1, a. 1, ad 3, modum declarans, quo Deus cum causis liberis concurrit, scribit: *In libero autem arbitrio hoc modo agit, ut virtutem agendi sibi ministret, et ipso operante liberum arbitrium agat; sed tamen determinatio actionis et finis in potestate liberi arbitrii constituitur*; et alibi passim (2). Ad adductum vero textum alios que ejusmodi reponunt, S. Thomam tantummodo loquuntur de virtute, quam Deus intellectuali naturæ tribuit se inclinandi, quam utique Angeli conferre non possunt; vel loqui de cooperatione divina, seu concursu simultaneo veteris philosophiae placita (3), ut constat tum ex omnibus principiis simul collatis, tum ex omnium ferme antiquorum scholasticorum, præsertim vero Thomistarum interpretatione, usque ad Bannuzium prædeterminationum physicarum, ut prefertur, auctorem (4). Sic enim intellexerunt S. Thomam Cajetanus, Conradus, Capreolus, Soncinus, alioquin passim (5). Sane ceteris omissis, Cajetanus in p. 1, q. 19, a. 8, solvens primum argumentum Scotti, scribit hanc propositionem: *Causa secunda movet seu agit in quantum mota a prima, non posse intelligi de motione prævia proprie actioni causa secundæ: Non enim, inquit, causa secunda movet ob hoc præcise, quia movetur, sed etiam ea virtute propria.* Hinc est, quod misquam S. Thomas nominet prædeterminationem,

nec ullum de gratia peculiare sistema confece-
rit (1).

Dum vero Ecclesia a Deo postulat, ut ipse rebelles ad se *compellat* voluntates, poscit, ut id efficiat per gratias, quas ipse moverit liberum assensum a nobis obtenturas, cohærenter ad fidem, quam ipsa proficitur de libera nostræ voluntatis cooperatione cum gratia sua, quacumque demum ratione propositum sibi effectum obtineat (2).

Facillime denique sibi videntur expedire se posse ab argumentis prolatis, petitis nempe a dominio Dei super creaturem. Quia si hæc ratio valeret, multo magis admittenda essent placita Calvinianorum et Jansenistarum; eum in istorum hypothesi magis elucet ejusmodi dominium, et vel ipsa liberi arbitrii ac indifferentie nomina eliminentur, quod nemo tamen prudens admittet. Ceterum non minus solliciti esse debemus de extollendo Dei dominio, quam de sarta teatrica sub ipso tuenda hominis libertate; quam de fide est integrum in homine sub gratia perseverare. Falsam præterea assurunt esse humilitatem, qua non consistat in veritate; eo magis quod et Novatores hanc humilitatem prætexuerint ad suos errores circa gratiam propinando. Verba demum S. Pauli: *Quid habes*, etc. in quoemque systemate catholico verissima sunt, cum omnes profiteantur cum Ecclesiæ doctrina, nullum opus salutare neque operis salutaris initium haberi aut concepi posse absque subsidio gratiae prævenientis et excitantis.

§ II. Systema Augustinianum.

Augustinianenses gratiae efficaciam explicant per delectationem celestem; que si fulgens et ardens fuerit, *victrix seu efficax censetur*, sin remissa, *sufficiens tantum habere debet*. Sedulo autem adnotant, se in eo differre a Jansenianis, quod isti velint vi-
etricem gratiam inducere necessitatem, contra vero ipsi illam *infallibilem* quidem, at *non necessarium* effectum gignere affirment.

Ast moraliterne an physice delectatio istiusmodi agit in hominem, eisque obtinet consensum? Physice reponunt, saltem recentiores, si sermo sit de statu naturæ lapsæ; moraliter autem, si de statu naturæ integræ; adeo ut in præsenti naturæ statu una cum Thomistis admittant necessitatem physice præ-

(1) Cfr. Meyer, op. cit. lib. vi, cap. 47.

(2) Cfr. Dechamps, *De hæresi Jansen.* lib. iii, cap. 7 et seq. ubi hoc idem argumentum ab orationibus petitum et objectum a Calvinio et Jansenio dissolvit. Cfr. etiam Daniel, *Recueil de divers ouvrages philosophiques et théologiques*, Paris, 1724, tom. ii, *Traité théologique touchant l'efficacité de la Grâce*, preservatum vero *Seconde partie*, où l'on répond au livre du P. Serry, intitulé: *Schola Thomistica vindicata*. Vid. etiam *Lettre du P. Daniel au R. P. Antonin Cloche*, et *Réponse au R. P. Serry*, una cum tribus aliis epistolis ad eundem datis. Cfr. etiam *Instruction pastorale de Monseigneur l'archevêque de Cambrai* (Fénelon), Cambrai, 1714, seconde partie, *Qui explique les principaux ouvrages de S. Augustin sur la grâce*, *l'abus que les Jansénistes en font*, et *l'opposition de leur doctrine à celle des Thomistes*. Lettre XII, *Sur la prémission des Thomistes*.

determinationis, in statu autem naturæ integræ cum Congruistis illius necessitatem rejiciant.

Iisdem præterea argumentis pugnant, quibus pugnat Thomista ad physicam hanc predeterminacionem adstruendam in præsenti hominis conditione, et iisdem quibus Congruistæ ad eamdem rejiciendam, cum quæstionem instituunt de statu naturæ innocentis. His adjiciunt illa omnia testimonia, quæ in causæ sue subsidium adducit Jansenius, ut constituent relative victricem delectationem, qua gratia obtinet consensum; cum eo tamen temperamento, quod modo indicavimus. Quocirca iisdem rationum momentis impugnatur sistema istud, quibus Thomistæ et Congruistæ se se mutuo aggrediuntur, et quibus theologi omnes nituntur evertere fundamentum Jansenianum systematis. Supervacaneum proinde est in medium singillatim adducere argumenta adversæ partis theologorum (1).

§ 3. Systema Congruistarum.

Congruistæ, rejecta quavis physica predeterminatione, nullam admittunt gratiam *a se efficacem*, quæ nempe natura sua includat actum, ad quem datur, ac efficiat ipsum voluntatis flexum; nullum idecirco agnoscent esse discrimen seu, ut vocant, *entitatis* inter gratiam efficacem et sufficientem. Quare in horum systemate omnis gratia, quantum ex se est, et intrinseca ac propria virtute præbet in *actu primo*, ut præfertur, seu in *potentia veram*, proximam et expeditam, relate ad circumstantias in quibus homo versatur, agendi facultatem. Hac præterea homo gratia instructus, si per liberum arbitrium se determinet ad bonum volendum et amplectendum, hæc ipsa gratia fit efficax, cum per ipsum una cum auxilio cooperante reducatur ad *actum secundum*, ut vocant, seu ad effectum: si vero eidem resistat ac reluetur, ita ut culpa sua eam inefficacem reddat, sufficiens manet et absque effectu.

Licet porro in horum systemate actus essentialiter non includatur in gratia ipsa, sed eidem extrinsecus sit, utpote proprius voluntatis a gratia præventæ et adjuta, non omnis tamen gratia æqualis est; sed alia est alia fortior, alia alia in se vividior. Quoties proinde Deus constituit quemplam absolute convertere, illam gratiam eidem impertitur, cui per præscientiam suam novit, eum infallibiliter et libere consensurum. *Infallibiliter* quidem, aliquoquin Deus in scientia sua falleretur: *libere*, quia, cum hæc infallibilis cognitio actus futuri, consequens logice seu ordine sit ad liberam prævisam hominis electionem sub tali gratia, nulla exurgit ejusmodi assensus necessitas nisi hypothetica. Ex his constat, juxta hoc sistema gratiae efficaciam infallibilem a duobus exurgere, et a virtute nimis intrinseca ipsius gratiae

(1) Cfr. Card. Noris. Opp. edit. Veron. tom. i, continens *sacra*, et tom. ii, *dissert. v*, *Janseniani erroris columnia sublata*, etc. Belelli, *Mens Augustini de modo reparacionis humane naturæ post lapsum*, vol. ii in 4, Rom. 1757; Berti, *De theologicis disciplinis*, tom. vii, *De gratia*, cap. 20 et seqq.

tanquam a principio activo, et a scientia Dei tanquam a principio directivo.

Hac ratione concludunt qui huius sententiae adstipulantur, sarta tecta dogmata fidei catholice habentur de gratuitate et necessitate gratiae adversus Pelagianos ac Semipelagianos, ac de libertate hominis sub gratiae motione adversus Novatores et Jansenistas; mira denique eluet gratiae efficacis et liberi hominis consensus cordia (1).

Consonam vero esse hanc doctrinam Saeris Literis, illa omnia testimonia evincunt, que liberam hominis cooperationem supponunt ac prædicant ex gr. *Mundemus nos ab omni inquinamento carnis et spiritus, perficientes sanctificationem in timore Dei* (II Cor. VII, 1); *Convertimini ad me* (Is. XLV, 22; Jerem. XXXV, 15; Zachar. I, 3); *Sic currite ut comprehendatis* (I Cor. IX, 24); *Dei adjutores sumus* (ib. III, 9); *Cum timore et tremore salutem vestram operamini* (Philipp. II, 12), aliaque ejusmodi prope innumeram. Item testimonia illa, in quibus aperte dicitur, non ex defectu gratiae, sed ex sola hominum malitia inefficacia Dei auxilia exitisse, ex. gr. Is. V, 4: *Quid est quod debui ultra facere vineæ meæ, et non feci ei? An quod expectavi, ut faceret uvas, et fecit labruscas?* Matth. XXIII, 57: *Quoties volui congregare filios tuos, quemadmodum gallina congregat pullos suos sub alas, et noluit?* et similia. Jam vero quorsum hæc omnia, si ad agendum aliquid præterea requireretur, quod non esset in hominis potestate, cujusmodi est auxilium prædeterminans? Quid si Deus decrevisset, illud non præbere, prout illis omnibus non præbuit? Sed potissimum urgent, quod legitur, Matth. XI, 21: *Væ tibi, Corozain, væ tibi, Bethsaïda; quia, si in Tyro et Sidone factæ essent virtutes, que factæ sunt in vobis, olim in cilicio et cinere penitentiam egissent.* Ex quibus verbis liquet, eamdem gratiam futuram fuisse efficacem apud Tyros Sidoniosque, quia inefficax fuit apud cives Corozain et Bethsaïde; alioquin Christus frustra, ino injuste prorsus eos objurgasset, quia id non præstiterunt, quod in eorum potestate non erat ut facerent.

Nec aliud, pergunt, docuit S. Augustinus, qui physicam prædeterminantem motionem repellit, ut vidimus, ac omnipotentiam et scientiam Dei semper conjungit, ut gratiae efficaciam seu infallibilem ejus effectum amice cum libertate consociet in eo, quem decrevit Deus absolute convertere. Hinc usitata ejus loquendi ratio de *vocatione congrua*, dum de ejusmodi gratia disserit (2). Ac demum luculentiter affirmat, cum eadem gratia alium converti, alium vero non item ex voluntatis defectu: *Noluit Esau*, inquit, *et non cucurrit; sed et si voluisset, cucurisset, Dei adjutorio pervenisset, qui ei etiam currere et velle vocando præstaret, nisi vocatione contempta reprobus fieret* (3). Id ipsum scribit de Tyriis et Sidoniis, qui, etiam

(1) Lib. *De dono persev.* c. 14, n. 55.

(2) Vid. Daniel, *Lettres au R. Père Alexandre*, in op. cit. præserium lettre x. Vid. pariter Franc. Xavier. Mannhart, S. J. *De ingenua indole gratiae efficacis Dissertation*, que extat in *Thesaurus Zacherii* tom. v.

(3) Ad Simplic. lib. i, quest. ii, n. 10.

credere potuerunt: si mira illa Christi signa vidissent (1).

Angelicus Doctor et ipse pro certo ac explorato assumit, ex hominum cooperatione fieri, ut eadem gratia præventi et adjuti alii aliis proficiant. Decretoria plane sunt ejus verba, 5 p. q. 69, a. 8 ad 2: *Quia, inquit, etiam si æqualem gratiam (duo) percipient, non æqualiter ea utuntur, sed unus studiosius in ea proficit, alius per negligentiam gratiae Dei deest.* Eadem alibi passim inculet (2).

Tandem ut hi theologi calumnias depellant, quibus potissimum Jansenistæ contendunt hanc doctrinam obscurare, animadvertunt, licet quandoque natura sua seu ratione doni una eademque sit gratia, quæ alius convertitur, alius vero non convertitur, non unam tamen eamdem esse ratione beneficium; sive quia datur ut prævisa efficax uni potius quam alteri; sive quia una est intensior ac vividior altera; sive quia conferunt in iis circumstantiis, in quibus prævidetur certus et infallibilis futurus assensus. Hac ratione, inquit, in tuto est supremum Dei dominium in creaturem et gratuita ejus vocatio, dum ex beneplacito suo fortiter simul ac suaviter obtinet effectum, quem intendit et in quo intendit, dumque integris libertatis juribus humanam voluntatem omnipotissima virtute sua inflectit. Qui autem convertitur tali gratia adjutus, quæ saltem ratione beneficium altera gratia potior est, nihil habet in quo gloriari possit; numquam siquidem conversus fuisset, nisi graia, et tali gratia esset a Deo præventus; nec propter ea scipsum ab alio discernit virtute sua, quem idcirco jure compellare Apostolus potest: *Quid habes quod non accepisti?* etc. Qui vero non convertitur, sed vocationi divinae resisit, cum omnia per ejusmodi gratiam consecutus fuerit, quibus expedite ac proxime obsequi potuisset, sibi soli imputare debet, si eidem non obtemperavit. Ex quo et illud profluit, nonnisi summa injuria versatilem ejusmodi gratiam posse vocari; versatile enim illud censeri debet, quod in utramque partem flectitur, hoc autem in gratia contingere nequit; si enim homo eidem pareat, illa obtinet suum effectum; quod si ei resistat eamque respuit, caret effectu suo, neque enim ad peccandum gratia opus est. Alioquin, si versatilis nuncupanda esset gratia, cui homo reluctari potest et obsistere malitia sua, versatilis esset dicenda gratia, qualis a Tridentina Synodo asserta ac definita est aduersus Novatores, cui scilicet homo semper resistere potest, quod tamen nemo Catholicus dicet; versatilem gratiam consecuti essent Iudei illi, quos S. Stephanus arguit, quod semper Spiritui Sancto restiterint. Adeo verum est, aiunt, in disputationis aestu minus considerate verba pro-

cesserunt, quod in utramque partem flectitur, hoc autem in gratia contingere nequit; si enim homo eidem pareat, illa obtinet suum effectum; quod si ei resistat eamque respuit, caret effectu suo, neque enim ad peccandum gratia opus est. Alioquin, si versatilis nuncupanda esset gratia, cui homo reluctari potest et obsistere malitia sua, versatilis esset dicenda gratia, qualis a Tridentina Synodo asserta ac definita est aduersus Novatores, cui scilicet homo semper resistere potest, quod tamen nemo Catholicus dicet; versatilem gratiam consecuti essent Iudei illi, quos S. Stephanus arguit, quod semper Spiritui Sancto restiterint. Adeo verum est, aiunt, in disputationis aestu minus considerate verba pro-

(1) Lib. *De dono persev.* c. 14, n. 55.

(2) Vid. Daniel, *Lettres au R. Père Alexandre*, in op. cit. præserium lettre x. Vid. pariter Franc. Xavier. Mannhart, S. J. *De ingenua indole gratiae efficacis Dissertation*, que extat in *Thesaurus Zacherii* tom. v.

ferri! Quod demum ab ipsis Jansenistis adducitur ex actis congregationis *De auxiliis* de Constitutione jamjam imminentia, qua systema istud foret damnationi subjiciendum, ab ejusdem patrocinatoribus tanquam fabula respuitur, utpote erutum ex actis a Pegna, Coronello et Lemosio conscriptis, quibus nullam habendam fidem esse solemnii Decretum Innocentius X, die 23 aprilis 1654, edixit (1).

Et haec quidem in sue causae patrocinium Congruistæ. Ceterum adversæ partis Theologi non pauca excipiunt; ac potissimum, quod gratia versatilis foret in ejusmodi systemate; quod adversentur eidem que Scripturæ et Patres de gratiæ virtute ac efficacia prædicant; quod eadem oriantur ex eo incommoda quibus isti contrariam sententiam impetrant; quia, si gratia, quæ confertur illi qui convertitur, saltem ratione beneficij major aut uberior sit ea, quæ tribuitur illi qui non convertitur, nulla est causa, quare isti objurgari possit, quod se

(1) En verba Decreti: *Ceterum, cum tam Roma quam alibi circumferantur quædam Acta manuscripta, et forsitan typis excusa, congregationum habitarum coram sel. rec. Clemente VIII et Paulo V super questione De auxiliis divinae gratiæ, tam sub nomine Francisci Pegnae, olim Rotæ Romanae decani, quam F. Thomæ de Lemos, Ord. Præd. aliorumque Prælatorum et Theologorum, qui, ut asseritur, prædictis interfuerunt congregationibus, nec non quoddam autographum seu exemplar assertæ Constitutionis ejusdem Pauli v super definitione prædictæ questionis de Auxiliis ac damnationis sententiae seu sententiæ Ludovici Molinæ Soc. Jesu, eadem Sanctitas sua præsentí hoc suo decreto declarat ac decernit, prædictis assertis actis, tam pro sententia FF. Ordinis S. Dominici quam Ludovici Molinæ aliorumque Soc. Jesu Religiosorum et autographo sive exemplari prædictæ assertæ constitutionis Pauli v nullam omnino esse fidem adhibendam, neque ab alterutra parte seu a quoquaque alio allegari posse vel debere; sed super questione prædicta observanda esse decreta Pauli v et Urbanus VIII suorum prædecessorum. His non deterritus Jansenista Grégoire in *Histoire des sectes religieuses*, Paris 1828, tom. II, chap. XXI, pag. 504, scribere non erubuit: *Sa condamnation (doctrine Molinæ) était sur le point d'être prononcée par Clément VIII, quand ce pape mourut subitement. Sous Paul V, son successeur, la bulle de condamnation était rédigée; mais les Jésuites lui avaient rendu un service important dans des circonstances épouvantes, leur crédit en empêcha la publication.**

Bene tamen Comes de Maistre, in op. de l'Eglise Gallicane, edit. de Lyon, tom. I, liv. I, chap. IX, de Molina ejusque systemate hæc habet: *Un homme de génie, auteur d'un système, à la fois philosophique et consolant, sur le dogme redoutable qui a tant fatigué l'esprit humain, système qui n'a jamais été condamné et qui ne le sera jamais; car tout système publiquement enseigné dans l'Eglise catholique pendant trois siècles, sans avoir été condamné, ne peut être supposé condamnable; système qui présente après tout le plus heureux effort qui ait été fait par la philosophie chrétienne pour accorder ensemble, suivant les forces de notre faible intelligence res clim dissociables, libertatem et principatum.* Atque in nota (5) subdit: *On sait que l'esprit de parti, qui ne rougit de rien, est allé jusqu'à fabriquer une bulle qui anathématisce ce système. Observons que ces rebelles, qui bravent les décrets du saint siège, les croient cependant d'un tel poids dans leurs consciences, qu'on les verra descendre jusqu'au rôle de faussaire pour se procurer cet avantage contre leurs adversaires. Ainsi bravant l'autorité, ils la confessent.*

non converterit; aliaque ejusmodi opponunt, quæ longum esset recensere (1).

Interim ex his nos concludimus, longe præstato quæstionem hanc satis obscuram, quæque suis difficultatibus in quovis systemate non caret, omnino deserere; cum impossibile videatur posse eidem quæstioni affundi uberiorem lucem post tot disceptationes, quæ tanta animorum contentione hinc inde agitatæ sunt. Juverit propterea, his dimissis, profleri cum Ecclesia Catholica, gratiam efficacem libertati humanæ haudquaquam adversari, cum ei semper possit homo resistere, secus ac doceant Novatores et Janseniste ab Ecclesia idecirco proscripti. Carea rationem autem, qua gratiæ efficacia et hominis libertas simul amice consistant, nostrum non est curiosus investigare, quæ investigatio forte non fieret absque gratiæ illius amittenda periculo, pro qua contenditur. Cum vero haec ipsa Ecclesia nihil circa hanc rationem definierit, poterit quisque ei sententia tuo adhædere, quam viderit melius prodesse ad Novatorum et Jansenistarum difficultates repellendas (2). Ita siet, ut Catholicæ omnes arctiori inter se se foderent conjuncti, unius labii ac cordis effecti, consociatis quodammodo viribus et animis, feliciter præclarari possint prælia Domini adversus tot fidei infensissimos hostes, qui in dies insurgunt ad evertendam, si fieri posset, Ecclesiam, quam Deus acquisivit sanguine suo.

Sane tum Thomista longe absunt ab omni Calvinismi suspicione, tum Augustinianenses a Jansenianismo, tum denique Congruistæ a Semipelagianismo; alioquin, si ejusmodi labi ipsorum systemata infecta essent, Ecclesia profecto non solum eos non commendaret, sed procūl a se abjeceret. Porro Romani Pontifices non semel eos, eorumque doctrinam ac labores laudibus extulerunt. Satis sit inter cetera documenta, quæ in hujus rei confirmationem adduci possent, afferre verba Constitutionis quam edidit Clemens XII die 2 oct. 1733, quibus hactenus dicta mirifice comprobantur. In ea igitur Constitutione, quæ incipit: *Apostolicæ providentiae, præmissa mentione Constitutionis Unigenitus, ita pergit R. Pontifex: Nos paterna quoque sollicitudine inhærentes magnopere dolamus, tenebras a dissensionis filiis effusas nondum ex quorundam mentibus satis esse discussas,*

(1) Videri possunt apud autores citati pro utraque sententia.

(2) Hinc Albertini, Ord. Præd. *De grat. Acroasi* XIV, n. 45 et 46: *Quamquam, inquit, infortunatus (fatuus tandem candide) congregationum *De auxiliis* exitus satis rem conficit, nihil scilicet in acerrimis illis disputationibus de fide, totum de adiaphoris... Ita me sentire volunt et reverentia erga indennatos theologos, et pietas adversus Ecclesiam, quæ singulos dicta sua propagare libere sinit, et perspicue veritatis amor, qui theologo maxime cordi esse debet, et Jansenistarum potissimum mala mens, ut videant, nihil de veteri Ecclesia fide apud nos immutatum, nec Apostolicam Sedem semipelagianam hæresim fovere, sed scholasticas opiniones pati, quæ, si rite expendantur, omnes ex aequo et gratiæ necessitatem ac vim, et arbitrii nostri jura (hoc Jansenianis maxime dispicere) rite custodiunt et feliciter explicant.*

sed plerosque etiam intolerabili pertinacia contendere, censura laudata Constitutionis doctrinam S. Augustini et Thomæ de divinæ gratiæ efficacia esse perstrictam. Ut igitur nullas charitatis partes ad revocandos errantes nobis reliquias facianus, universis et singulis Christi fidelibus... in virtute sanctæ obedientiæ districte præcipimus et sub canoniciis penitentiis mandamus, ne disputantes aut docentes, sive in scholis, sive in concionibus, sive scriptis, editis, sive aliter, propositiones defendant aut enuncient, quæ antedictas Novatorum calumnias firmare, aut promovere possint. Mentre tamen eorumdem prædecessorum perspectam habentes, nolumus aut per nostras aut per ipsorum laudes Thomisticæ scholæ delatas, quas iterato nostro iudicio comprobamus et confirmamus, quidpiam detractum ceteris catholicis scholis, diversa ab eadem in explicanda divinæ gratiæ efficacia sentientibus, quorum etiam erga hanc Sanctam Sedem præclara sunt merita, quominus sententias ea de re tueri pergent, quas hactenus palam et libere ubique etiam in hujus almæ Urbis luce docuerunt et propugnaron... Pacem siquidem, quam cum veritate diligendam Dominus præcipit, inter Catholicæ Ecclesiæ filios fovere et communire debemus, et curamus, ut, conjunctis diversarum licet scholarum studiis, firmius sit aduersus erroris insidias præsidium.

ARTICULUS III. — *De gratia sufficienti.*

Grata sufficiens ex omnium Catholicorum sensu ea est, quæ homini vires præbet veras ac perfecte completas, et quidem relate ad præsentes ejus circumstantias, ad opus bonum eliciendum. Dispisci solet in proxime ac remote sufficientem. Prior est ea, quæ potentiam seu facultatem ad agendum immediate consert; posterior vero, quæ non nisi mediante oratione, eleemosyna, etc. ejusmodi facultatem suppeditat. Juxta notissima S. Augustini verba, a Tridentino Concilio usurpata, *Deus impossibilia non jubet; sed jubendo monet, et facere quod possit, et petere quod non possit, et adjuvat ut possit* (1). Ideo autem sufficiens dicitur, quia ad discrimen efficacis effectum non sortitur, ad quem datur, ex humanæ voluntatis resistantia, seu ex hominis culpa. Praeter Novatores, nullam admittandam esse gratiam sufficientem, Jansenistæ docent, ut superius diximus, etiæ verbis ad fallendum compositis utantur. Dum enim gratiam parvam commendant, quam sufficientem etiam interdum vocant, non significant nisi gratiam sufficientem, quæ talis sit, ut loquantur, absolute, non autem relative ad subjecti circumstantias; ac propterea sufficientem nomine admittunt, re ipsa tollunt (2). Ad hunc propterea eliminandum errorem, sit

(1) Sess. VI, cap. II.

(2) Cfr. Dechamps, qui *Hæres. Jans.* lib. I, disp. VIII, *De gratia sufficienti*, cap. I, ostendit, Jansenium omnem gratiam sufficientem rejecisse. Sane Jansenius inscribit cap. 3 libri 3 *De gratia Salvat. Quam monstrosa sit gratia sufficienti*. Cap. 2 ostendit ibid. Dechamps, hanc doctrinam Jansenium deponuisse a recentioribus hæreticis. Cap. 5 evincit argumenta, quibus Jansenius probare nititur, nullam

PROPOSITIO. — *Datur in præsenti statu gratia mere et vere sufficiens, quæ homini complētam et relative ad præsentes ejus circumstantias expeditam ad actus bonos eliciendos facultatem tribuit, quæ inutilis redditur ex humanæ voluntatis resistantia.*

Diximus in præsenti statu, nempe naturæ corruptæ, dari gratiam mere ac vere sufficiem; siquidem faintur Jansenistæ, tum angelis tum homini innocentij ejusmodi gratiam collatam fuisse (1). Dum vero de hac gratiæ loquimur, sub ejus nomine vel proxime vel remote sufficientem significamus. Quod etiam intelligi volumus de iis, de quibus postea disseremus.

Hæc autem propositio de fide est, prout constat ex contradictoriis propositionibus tanquam hæreticis in sensu Jansenii damnatis, quarum prior est: *Aliqua Dei præcepta hominibus justis volentibus et conantibus, secundum præsentes quas habent vires, sunt impossibilia; deest quoque illis gratia, qua possibilia siant.* Sed gratia, qua possibilia siant divina mandata, nec tamen observantur a justis, est gratia mere et vere sufficiens; ergo de fide est dari in præsenti statu talem gratiam. Altera Jansenii propositio est: *Interiori gratia in statu naturæ lapsæ nunquam restituitur.* De fide prouide est, dari gratiam in præsenti statu cui resistit; talis est autem gratia mere ac vere sufficiens; ergo.

Jure porro merito ut hæreticas damnatas fuisse duas has Jansenii propositiones, darie propterea in præsenti statu gratias mere ac vere sufficientes, sic in primis ex Scripturis ostendimus. Is. V. ita Deus loquitur: *Judicate inter me et vineam meam: Quid est quod debui ultra facere vineæ mee, et non feci ei? An quod expectavi ut faceret uvas, et fecit labruscas?* Christus, Matth. XXIII, 37, ita Jerusalem increpabat: *Jerusalem, Jerusalem... Quoties volui congregare filios tuos, quemadmodum gallina congregat pullos suos sub alas, et noluiti.* Stephanus demum Judgeorum

hoc in statu gratiam effectu suo carere, ex hæreticis descripta esse. Interdum tamen tam Jansenius quam ejus asseclæ gratiam parvam ab ipsis admissam non dedignantur vocare sufficientem, non quatenus re ipsa sufficiat ad agendum, sed tantum ad Jansenianos tuendos ab armis adversariorum; atque, ut nonnulli inter ipsos loquuntur, quamvis per summam injuriam, vocant gratiam sufficientem in sensu Thomistico. Quapropter quidam professores Duacenses scribebant ad Arnaldum: *Gratia sufficiens Thomistarum est veluti nebula, in cuius sinu mysteria gratiae obvoluntur. Si illa non sufficit ad agendum, sufficit ad nos tuendos ab armis adversariorum.* Et D. de Ligny, Epist. V. Augusti scripta anno 1690: *Necessitatem est, inquit, uti voce gratia sufficientis in sensu thomistico, ad illius Societatis effugientium impetum, quæ nescit parere. En ipsius verba: Je suis persuadé que la grâce suffisante des Thomistes est une sottise; cependant il me semble, comme vous l'enseignez vous-même (scilicet Arnaldus ad quem scribit), qu'il est nécessaire de se servir de ce mot de grâce suffisante au sens des Thomistes, pour éviter la persécution de la société vindicative.* Cfr. *Le véritable esprit des nouveaux disciples de S. Augustin*, Bruxelles 1706, tom. I, ix lettera, pag. 228 et seqq. ubi plura alia documenta ejusmodi inveniuntur. Cfr. etiam *Lettre VIII du R. P. Daniel au R. P. Alexandre*.

(1) Cfr. Tricassin. *De indifferenti*, etc. part. II, sect. LII.